

Bosna i Hercegovina  
Federacija Bosne i Hercegovine  
Kanton Sarajevo-Općina Ilidža  
JU Osnovna muzička škola Ilidža

Na osnovu člana 88. i 94. Zakona o osnovnom odgoju i obrazovanju („Službene novine Kantona Sarajevo“, broj 23/17, 33/17, 30/19 i 34/20 ), člana 3. i 11. Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo („Službene novine Kantona Sarajevo“, broj: 35/17), Saglasnosti Ministarstva za odgoj i obrazovanje Kantona Sarajevo, broj: 11-30-732/21 od 15.01.2020. godine i Odluke Školskog odbora JU Osnovna muzička škola Ilidža broj: 01-1-117/21 od 22.01.2021. godine, raspisuje se

**JAVNI KONKURS**  
**za popunu upražnjenih radnih mjesta u školskoj 2020/2021. godini**

1. **Nastavnik/ nastavnica gitare**, 1 izvršilac, puna nastavna norma (22 časa sedmično), od okončanja konkursne procedure do povratka radnice s funkcije direktora, a najkasnije do 31.8.2021. godine;
2. **Nastavnik/nastavnica gitare**, 1 izvršilac, nepuna nastavna norma (11 časova sedmično), od okončanja konkursne procedure do 31.8.2021. godine
3. **Nastavnik/nastavnica skupnog muziciranje**, 1 izvršilac, nepuna nastavna norma (11 časova sedmično), od okončanja konkursne procedure do 31.8.2021.godine
4. **Spremačica**, 1 izvršilac, puno radno vrijeme (40 sati sedmično), od okončanja konkursne procedure do 31.8.2021.godine

**USLOVI KONKURSA:**

Pored općih uslova za zasnivanje radnog odnosa utvrđenih Zakonom o radu ( „Sl.novine FBiH broj: 26/16 i 89/18), kandidati treba da ispunjavaju i posebne uslove u pogledu stručne spreme i profila predviđene Zakonom o osnovnom odgoju i obrazovanju Kantona Sarajevo, Nastavnim planom i programom za osnovne muzičke i baletske škole, Pedagoškim standardima i općim normativima za osnovni odgoj i obrazovanje i normative radnog prostora, opreme, nastavnih sredstava i učila po predmetima za osnovnu školu.

Za radno mjesto pod rednim brojem 10. spremačica škole, kandidati treba da imaju završenu osnovnu ili srednju školu.

**Obavezna dokumentacija koju su kandidati dužni blagovremeno dostaviti je:**

- a) Svojeručno potpisanu pisanu prijavu na konkurs sa kratkom biografijom, kontakt podacima kandidata, tačnom naznakom na koju poziciju se konkuriše i tačno navedenom dokumentacijom koja se prilaže uz prijavu na konkurs;
- b) Diploma/svjedodžba o stečenoj stručnoj spremi ili akademskom zvanju;
- c) Izvod iz matične knjige rođenih;
- d) Uvjerenje o državljanstvu (ne starije od 6 mjeseci, od dana objavljivanja konkursa).

**Pored obavezne dokumentacije kandidati mogu dostaviti i dodatnu dokumentaciju, i to:**

- a) Uvjerenje/potvrdu o radnom stažu i uvjerenje sa šifrom zanimanja koje izdaje Fond za penzijsko-invalidsko osiguranje, i tačno navedeno;
- b) Potvrdu o ostvarenom radnom stažu kod poslodavca kod kojeg je kandidat radio sa tačno naznačenim poslovima i radnim zadacima, te godinama i mjesecima radnog staža koje je kandidat obavljao;
- c) Uvjerenje o položenom stručnom ispitu;
- d) Potvrdu o vremenu provedenom na evidenciji Službe za zapošljavanje Kantona Sarajevo (ne starija od tri mjeseca);
- e) Rješenje o sticanju posebnog stručnog zvanja koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- f) Rješenje o ocjeni o radu koja je utvrđena u tekućoj ili prethodnoj kalendarskoj godini, a koje je izdato u skladu sa Pravilnikom o ocjenjivanju, napredovanju i sticanju stručnih zvanja odgajatelja, profesora/nastavnika i stručnih saradnika u predškolskim ustanovama, osnovnim i srednjim školama i domovima učenika;
- g) Rješenje/uvjerenje nadležnog Kantonalnog/Općinskog organa o priznavanju svojstva člana porodice šehida/poginulog branioca, člana porodice nestalog i umrlog branioca, dobitnika ratnog priznanja i odlikovanja, člana porodice poginulog, umrlog i nestalog dobitnika ratnih priznanja i odlikovanja, ratnog vojnog zarobljenika i

demobilisanog branioca kao zaslužnog lica u odbrambeno-oslobodilačkom ratu sa područja Kantona Sarajevo, ratnog vojnog invalida i člana porodice ratnog vojnog invalida, izdato u svrhu ostvarivanja prava prednosti pri zapošljavanju (ne starije od šest mjeseci);

- h) osobe koje imaju status naveden u članu 10. stav (2) Pravilnika sa kriterijima za prijem radnika u radni odnos u predškolskim ustanovama, osnovnim i srednjim školama kao javnim ustanovama na području Kantona Sarajevo, obavezne su pored rješenja/uvjerenja nadležnog Kantonalnog/Općinskog organa o priznavanju statusa dostaviti i uvjerenje/potvrdu o neprekidnom prebivalištu na području Kantona Sarajevo u posljednjih 24 mjeseca (ne starije od šest mjeseci);
- i) potvrdu o autorstvu/koautorstvu udžbenika koju izdaje Federalno ministarstvo obrazovanja i nauke na osnovu člana 169.-170. Zakona o upravnom postupku FBiH („Službene novine Federacije BiH“, broj 2/98 i 48/99).

Pored dokumentacije navedene pod tačkama g) i h) kao dokaz o pripadnosti branilačkoj populaciji, kandidati trebaju blagovremeno dostaviti dokumentaciju kojom dokazuju status korisnika, u skladu sa odredbama Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo („Službene novine Kantona Sarajevo“, broj: 37/20) kako slijedi:

Redni broj	Pripadnost branilačkoj kategoriji	Naziv dokaza-dokumenta	Organ koji ga izdaje
1.	<b>Član porodice šehida/poginulog, umrlog i nestalog branioca</b>	- Uvjerenje o statusu djeteta šehida-poginulog, umrlog i nestalog branioca; - Rješenje o priznatom pravu na porodičnu invalidninu za suprugu šehida-poginulog, umrlog i nestalog branioca i - Uvjerenje u učešću u oružanim snagama za šehida-poginulog, umrlog i nestalog branioca	Općinska služba za boračko-invalidsku zaštitu Grupa za pitanje evidencija iz oblasti vojne obaveze prema mjestu prebivališta
2.	<b>Ratni vojni invalid</b>	Rješenje o priznatom svojstvu ratnog vojnog invalida	Općinska služba za boračko-invalidsku zaštitu
3.	<b>Dobitnik ratnog priznanja i odlikovanja</b>	Rješenje o priznatom pravu na mjesečno novčano primanje dobitniku priznanja	Općinska služba za boračko-invalidsku zaštitu
4.	<b>Demobilizirani branioci</b>	Uvjerenje o učešću u Oružanim snagama	Grupa za pitanja evidencija iz oblasti vojne obaveze prema mjestu prebivališta
5.	<b>Dijete:</b> a) <b>ratnog vojnog invalida;</b> b) <b>dobitnika ratnog priznanja i odlikovanja;</b> c) <b>demobiliziranog branioca.</b>	Uvjerenje o statusu djeteta ratnog vojnog invalida Rješenje o priznatom pravu na: a) invalidninu; b) mjesečni novčani dodatak; c) uvjerenje u učešću u oružanim snagama.	a) i b) Općinska služba za boračko-invalidsku zaštitu; c) Grupa za pitanja evidencije iz oblasti vojne obaveze prema mjestu prebivališta

Prijava kandidata koji nije dostavio dodatnu dokumentaciju će se smatrati urednom, a prijavljeni kandidat će se bodovati samo po osnovu onih kriterija za koje je dostavio urednu i validnu dokumentaciju.

Dokumentacija koju kandidat dostavlja uz prijavu na konkurs mogu biti kopije uz obavezu da kandidat koji je primljen po konkursu dostavi originalnu dokumentaciju ili ovjerene kopije dokumentacije, najkasnije 5 (pet) dana po dobijanju Odluke o izboru radnika.

Po konačnosti Odluke o izboru radnika, izabrani kandidat je dužan dostaviti ljekarsko uvjerenje nadležne zdravstvene ustanove koje nije starije od šest mjeseci, kao i drugu dokumentaciju u skladu sa zakonom i internim aktima ustanove, nakon čega direktor zaključuje ugovor o radu sa izabranim kandidatom.

Kriteriji, procedure, uslovi, način bodovanja i izbor kandidata po ovom Javnom konkursu utvrđeni su Pravilnikom sa kriterijima za prijem radnika u radni odnos u predškolskim ustanovama, osnovnim i srednjim školama kao Javnim ustanovama na području Kantona Sarajevo („Službene novine Kantona Sarajevo“ broj: 35/17).

Nepotpune, neblagovremene i neuredne prijave neće se uzimati u razmatranje.

Prijave sa potrebnom i potpunom dokumentacijom o ispunjavanju uslova dostaviti isključivo putem pošte na adresu: JU Osnovna muzička škola Ilidža, ul. Josipa Slavenskog br.24, 71210 Ilidža sa naznakom “Prijava na javni konkurs za poziciju broj .../- Komisiji za utvrđivanje prijedloga za izbor radnika.“

Konkurs će biti otvoren 8 (osam) radnih dana od dana objavljivanja.

Napomena: Sa kandidatima koji ispunjavaju uslove iz člana 12. stav (5) tačka d) i e) Pravilnika („Službene novine KS“ broj: 35/17), Komisija za utvrđivanje prijedloga za izbor radnika obaviti će provjeru radnih i stručnih sposobnosti. O mjestu i vremenu provjere, kandidati će biti u pisanom obliku naknadno obaviješteni.

Kandidati koji bez opravdanja ne pristupe istoj, gube pravo daljnjeg učešća u konkursnoj proceduri.

Dokumentacija prijavljenih kandidata koji nisu izabrani po ovome konkursu, vraća se na lični zahtjev, putem protokola Škole u roku od 1 (mjesec) dana od okončanja konkursne procedure.

Konkurs će biti objavljen u dnevnom listu “Oslobođenje” **ponedjeljak, dana 25.01.2021.godine i ostaje otvoren do srijede, dana 03.02.2021.godine.**